

Success per la moziun da Martin Candinas

Parlament pretenda che la posta arriva fin las 12.30

■ (sda/anr/vi) La posta sto esser sin il pli tard fin las 12.30 en tuttas stgaffas da brevs. Quai pretenda il parlament ch'ha assegnà ina moziun da cusseglier nazional Martin Candinas al cussegl federal. En autras domenas na less il cussegl dals chantuns dentant betg sa maschadar en. Il cussegl naziunale ha acceptà la primavaira gist quatter moziuns che pertugan la posta. Trais da questas intervenziuns ha il cussegl dals chantuns refusà ier. Cun questa decisiun èn quellas giu da maissa.

Cunter la veglia da la cumissiun

Cun 24 cunter 14 vuschs e duas abstenziuns ha la chombra pitschna dentant acceptà la moziun da Candinas. El pretenda che la posta arriva mingamai fin las 12.30 sch'i na dat en ina regiun nagina spediziun da gasettas da la damaun. La cumissiun predeliberanta aveva refu-

Posta na va betg cun piazzas en l'exteriur

Avant dus onns ha La Posta fatg in project da pilot a Vietnam nua ch'ins ha laschà exequir tschertas lavurs logisticas. A medem temp han ins bajegià giu piazzas en la logistica a Cuir ed a Sion. Martin Candinas ha sinaquai inoltrà ina moziun ch'ha pretendi che piazzas da La Posta na dasgian betg vegnir spustadas en l'exteriur. Il cussegl naziunale aveva acceptà la moziun, ma la chombra pitschna l'ha refusada ier cun 22 cunter 17 vuschs ed ina abstenziun. Candinas n'è betg trumpà. Cura ch'el haja inoltrà sia moziun marschava quest project da pilot a Vietnam. «Quest project han ins suenter franà – betg il davos pervi dal squitsch politic entras la moziun.» El haja dentant suenter tuttin tegni ferm vi da sia moziun ed il cussegl naziunale haja uschia pudì exprimer cleramain ch'i saja da far attentziun e betg spustar piazzas existentas en l'exteriur. La Posta possia schon sa sviluppar en l'exteriur, quai dentant cun novas fashentats. Quests signals sajan stads impurtants era per il nov schef da La Posta. «La Posta turga tschient per tschient al pievel. Ed i n'è betg en l'interess dal pievel sche La Posta sposta piazzas da lavur en l'exteriur.»

sa la moziun. Grazia a mesiras da La Posta arrivian gasettas abunadas gia oz fin mezdi en la stgaffa da brevs. Uschia saja il giavisch principal adempì, ha argumentà Claude Janiak (ps/BL) en num da la cumissiun. Sch'il temp vegnia fixà en la lescha limiteschian ins senza necessitad il spazi d'agir da La Posta.

Plinavant èsi vegni fatg attent che Urs Schwaller haja sincerà che La Posta sa stentia en l'avegnir dad arrivà ad uras. Ins possia sa fidar dal pled dal president dal cussegl d'administraziun damai ch'el haja sco anteriur cusseglier dals chantuns in tschert sensori per il service public.

D'in auter avis è stà Beat Rieder (pcd/VS): «Per mai sa preschenta La Posta sco concern che sa retira ord las regiuns periferas.» La Posta ageschia oz anc adina tuttin sco avant quatter onns. Entaifer las ultimas emnas haja el survegni telefons gist or da duas vischnancas nua che La Posta veglia serrar ses uffizs. E che la posta arriva magari pir suentermezdi en regiuns periferas na saja nagina raritad. Era da parlamentaris da la Romandia ha la moziun Candinas survegni grond sustegn.

Romandia sustegn Candinas

Suenter ch'era la chombra pitschna ha ditg gea ier a sia moziun è Candinas vegni interrogà gist en roda da schurnalists da la Romandia, dal Tessin e dal Grischun ed el ha stui dar pled e fatg gist en tuttas quatter linguas naziunales. Ch'el cuntanschia in uschè bun resultat en la chombra pitschna n'haja el betg spetgà, di Candinas a l'anr. La Posta haja fatg stentas encunter sia moziun per tema che lezza restrenschia memia fitg l'interpresa. «Uss hai jau sa chapescha plaschair ch'ins vesa en il parlament che la glieud vul avair ina gasetta abunada fin mezdi en la stgaffa da brevs.»

Davart il sustegn dals parlamentaris da la Romandia di Candinas: «Sch'i va per il service public ha la Romandia ina gronda chapientscha ed in bun sensori. Ils parlamentaris da la Romandia èn er adina pli avers da dar tschertas directivas dal stadi anora.» Gist quai saja la sfida en connex cun La Posta. Lezza na saja betg in uffiz stadal ed era betg in interpresa spirontamain privata. Perquai stoppian ins chattar in equiliber e tscherts puncts stoppia la politica simpelmain dar avant a La Posta. «Ins na po betg adina dir l'economia decida sezza», concluda il politicher grischun. «Igl è er impurtant per La Posta da vesair nua ch'il parlament metta la paisa.»



Per sia moziun ha cusseglier nazional Martin Candinas survegni sustegn cunzunt da la Romandia.

KEYSTONE

COMMENTARI

CLAUDIA CADRUVI / ANR

Gasetta e posta fin gentar

Tge stoda mulesta! Ins spetga urgentamain in pac u ina brev impurtanta e la posta arriva pir suentermezdi. U ch'ins less leger la gasetta durant solver, ma la posta la metta en sgaffa da brevs pir uschè tard ch'ins na l'ha gnanca per il caffè suenter gentar sin maissa. Questa situaziun encunteschan blers magistrants e blers lecturs en regiuns periferas.

Cun sia moziun cuntanscha Martin Candinas che la posta arriva en l'avegnir daperturn fin las 12.30 – cunzunt la nua ch'i dat nagina distribuziun da la damaun. Quai è impurtant, perge tuts duain esser servids tuttin bain en Svizra e re-

tschaiver ad uras gasettas, revistas, pacs e brevs. In tal servetsch na dastga betg esser dependent dal lieu nua ch'ins abitescha.

Intgins parlamentaris han combat- ti la moziun cun l'argument che Urs Schwaller sco president dal cussegl d'administraziun haja sincerà che La Posta fetschia en l'avegnir tut il pussaivel per vegnir ad uras. Schwaller saja sco anteriur cusseglier dals chantuns sensibilisà per il service public ed ins sappia sa fidar da ses pled. Ma schefs e presidents da posta vegnan e van. Bainsvelt han direcziun e management emblidà emper- mischuns d'antierurs superiors.

Perquai èsi necessari da fixar en la lescha u en l'ordinaziun da

tge uras che la posta ha dad esser distribuìda. I na dastga betg esser che la glieud en viets grischuns, en vischnancas dal Giura u en valladas tessinaises è suttoposta a las lunas da managers da posta u ad ideas da spargn d'in cussegl d'administrativ. La periferia na dastga betg trasora vegnir sut las rodas da la restabili- tud.

En il cussegl dals chantuns èn cun- zunt era parlamentaris da la Ro- mandia sa fatsg fermes per la moziun Candinas. La Romandia tegna ad aut il principi dal service public e na sa lascha betg impressiunar uschè svelti da la chanzun sempiterna da l'effizienz e da la libertad economi- ca.

Abolir biro d'egualitad? – Na

■ (cp) Stritgar il biro d'egualitad dad umens e dunnas, quai vul ina gronda part da la Partida populara svizra. A chaschun da la debatta dal preventiv per proxim onn è vegni debattà davart la proposta da stritgar ils meds finanzials per il biro. Però il cussegl naziunale ha refusà quella proposta. L'egualitad tranter dunnas ed umens saja per ina gronda part cuntanschida – anzi – la tendenza saja quella ch'ìls umens vegnian discriminads en divers secturs, uschia Sebastian Frehner, il cusseglier nazional da la pps da Basilea-Citad. Perquai vul el abolir il biro d'egualitad. Tenor Frehner saja numnadamain il biro d'egualitad in organizaziun dal stadi da lobbying per las dunnas.

«Sche dunnas fissan ina razza, fiss quai ch'il biro d'egualitad fa, politica d'apart- heid!» ha ditg Frehner. E Frehner fa in satgin exempels: Il biro d'egualitad n'haja anc mai pretendi che dunnas stoppian era far servetsch militar. Ed era tge che pertutga ils cusds da sanadad sajan ils umens discriminads, pretenda Frehner. Las dunnas vegnan en speranza e vivan pli ditg, n'han dentant betg da pajar pli autas premias da las cassas da malsaus, di el.

Nagina chapientscha per intent

L'intent da Frehner e da la pps n'ha in- summa betg chattà sustegn tar las autras partidas. Quellas han argumentà per exempel cun la differenza da pajas ch'è anc adina marcanta, era sche l'egualitad fiss numnadamain scritta en la Constitu- zion federala.

Sche Frehner chatta ch'el saja sco um discriminà stuess el en sasez pretendere dapli daners per il biro d'egualitad contra il burgais democrat da Berna Heinz Siegenthaler.

Ed era tar il minister da finanzas e cusseglier federal Ueli Maurer n'ha l'intent d'abolir il biro d'egualitad betg chattà en- cletga. La situaziun saja sa meglierada, dentant la finamira na saja anc betg cuntanschida. «En divers secturs en las dunnas discriminadas, quai ves jau era sco bab e tat. Nus duvain enavart il biro d'egualitad», ha ditg cusseglier federal Maurer.

Cun 125 cunter 55 vuschs e quatter abstenziuns ha sulettamain ina maioritad da la Partida populara svizra sustegnì l'intent da Frehner. Ed uschia ha il cussegl naziunale decis da garantir er en avegnir il biro d'egualitad – tant per dunnas sco era per umens.

Pps vul Z'graggen (pcd) e Keller-Sutter (pld)

■ (rtr) La fracziun da la la Partida populara svizra (pps) è sa decidida: Suenter ils hearings sustegnì ella duas dunnas per las elezziuns complementaras – la cussegliera governativa d'Uri Heidi Z'graggen (pcd) e la cussegliera dals chantuns Karin Keller-Sutter (pld). Quai rapporta la SDA. En chasa federala han las candidatas ed il candidat per il cussegl federal gi lur em- prima runda da hearings, dad audiziuns cun las candidatas ed il candidat. Las duas dunnas da la pcd, Viola Amherd e Heidi Z'graggen, Karin Keller-Sutter e Hans Wicky da la pld èn sa preschentadas en tact da mes'ura tar las emprimas fraczi- ons.

Las elezziuns per la successiun da Doris Leuthard (pcd) e Johann Schneider- Ammann (pld) en il cussegl federal è lura ils 5 da december.



Il schef da fracziun da la pps, Thomas Aeschi, infurmescha la publicitad da la decisiun da la pps.

KEYSTONE